

四庫全書

集部

欽定四庫全書

御定全唐詩卷八十一

喬知之

喬知之同州馮翊人與弟侃備並以文詞知名知之尤稱俊才則天時累除右補闕遷左司郎中為武承嗣所害詩一卷

長信宮中樹

婀娜當軒樹茸茸倚蘭殿葉

一作色

豔九春華

一作時

香搖

五明扇餘花

一作香

鳥弄盡新葉蟲書

一作盡

遍零落心

一作

親一作客

自知芳菲君不見

### 下山逢故夫

妾身本薄命輕棄城南隅庭前厭芍藥山上采薜蘿春

風冒紈袖零

一作靈

露濕羅襦羞將憔悴日提籠逢故夫

### 巫山高

巫山十二峰叅差互隱見潯陽幾千里周覽忽已徧想  
像神女姿摘芳共珍薦楚雲何逶迤紅樹日惹情楚雲

沒湘源紅樹斷荆門郢路不可見况復夜聞猿

棄妻篇

妾本叢臺右君在鴈門  
悠悠淇水曲綵燕入桑枝  
不因媒結好本以容相知  
容謝君應去情移會有離  
還君結縷帶歸妾織成詩  
此物雖輕賤不用使人嗤

苦寒行

胡天夜清迴孤雲獨飄颻  
遙裔一作出鴈關逶迤含晶

光陰陵久衰回幽都無多一作陽初一作寒凍巨海殺

氣流大荒朔馬飲寒水行子履胡霜路有從役倦卧死  
黃沙場羈旅因相依慟之淚霑裳由來從軍行賞存不  
賞亡亡者一作謝誠已矣徒令存者傷

從軍行

一作秋閨

南庭結白露北風掃黃葉此時鴻鴈來驚鳴催思妾曲  
房理鍼線平砧擣文練駕綺裁易成龍鄉信難見窈窕  
九重閨寂寞十年啼紗牕白雲宿羅幌月光棲雲月隱

曉一作

微微夜上

一作愁思

流黃機玉霜凍珠

一作未

復金吹薄

羅衣漢家已得地君去將何事宛轉結蠶書寂寥無鴈  
使生平荷恩信本為榮華進况復落紅顏蟬聲催綠鬢

擬古贈陳子昂

惻惻孤形影悄悄獨遊心以此從王事常與子同衾別

離三河間征戰二庭深胡天夜雨霜胡鴈晨南翔節物

感離居

一作別

同衾違

一作逐

故鄉南歸日將遠北方尚遘

飄孟秋七月時相送出外郊海風吹涼木邊聲響

一作暗

稍稍勤役千萬里將臨五十年心事為誰道抽琴歌坐

筵一彈再三歎宿御淚潺湲送君竟此曲從茲長絕弦

定情篇

共君結新婚歲寒心未卜相與遊春園各隨情所逐君  
愛菖蒲花妾感苦寒竹菖花多艷姿寒竹有貞葉此時  
妾比君君心不如妾簪玉步河堤妖韶援綠蕙鳧鴈將

子遊鶯燕從雙栖君念

一作向

春光好妾向

一作對

春光啼

君時不得意棄妾還金閨結言本同心悲歡何未齊怨  
咽前致辭願得申所悲人間丈夫易世路婦難為始如

經天月終若流星馳天月相終始流星無定期

樂府詩集無此

二長信佳麗人失意非蛾眉廬江小吏婦非關織作遲

本願長相對今已長相思復有遊宦子結援從梁陳燕  
居崇三朝去來歷九春誓心妾終始蠶桑奉所親歸願  
未克從黃金贈路入潔婦懷明義從泛河之津于今千  
萬年誰當問水濱更憶娼家樓夫婿事封侯去時恩灼  
灼去罷心悠悠不憐妾歲宴十載隴西頭以茲常惕惕  
百慮恒盈積由來共結褵幾人同匪石故歲雕梁燕雙



去今來隻今日玉庭梅朝紅暮成碧碧榮始芬數黃葉  
已浙澀何用念芳春芳春有流易何用重歡娛歡娛俄

戚戚

一作  
寂寂

家本巫山陽歸去路何長叙言情未盡採葢

已盈筐桑榆日及景物色盈高岡下有碧流水上有丹  
桂香桂花不須折碧流清且潔贈君比芳菲愛惠常不

歇

一作  
減

贈君比潺湲相思無斷絕妾有秦家鏡寶匣裝

珠璣鑑來年二八不記易陰暉妾無光寂寂妾照

一作  
妾至

影依依今日持為贈相識莫相違

綠珠篇

萬首絕句分此詩為三首 知之有婢曰竊娘美麗善歌舞為武承嗣所奪知

之怨惜作此篇以寄情密送與婢婢結詩衣帶投井而死承嗣大恨諷酷吏羅織殺之

石家金谷重新聲明珠十斛買娉婷此日可憐君自許

此時可喜

一作愛

得人情君家閨閣不

一作未

曾難

一作闕

常

將歌舞借人看意氣雄豪非分理驕矜一作奢勢力橫相

干辭君去君終不忍

一作辭君去去終未忍

徒勞掩袂傷鉛粉百

年離別在高樓一旦

一作代

紅顏為君盡

和李侍郎古意

一作古意和李侍郎嬌

妾家巫山隔漢川君度南庭向胡苑高樓迢遞想金天

河漢昭回更愴

一作悽

然夜如何其夜未央開花照月愁

洞房自矜夫婿勝王昌三十曾作侍中郎一從流落成

漁陽懷哉萬恨結中腸南山羃羃兔絲花北陵青青女

蘿樹由來花葉同一根今日枝條分兩處三星差池光

照灼北斗西指秋雲薄莖枯花謝枝憔悴香銷色盡花

零落美人長嘆艷容萎含情收取摧折枝調絲獨彈聲

未移感君行坐星歲遲閨中宛轉今若斯誰能為報征

人知

倡女行

石榴酒葡萄漿蘭桂芳茱萸香願君駐金鞍暫此共年  
芳願君解羅襦一醉同匡牀文君正新寡結念在歌倡  
昨宵綺帳迎韓壽今朝羅袖引潘郎莫吹羌笛驚隣里  
不用琵琶喧洞房且歌新夜曲莫弄楚明光此曲怨且  
艷哀音斷人腸

羸駿篇

噴玉長鳴西北來自言當代是龍媒  
萬里鐵關行入貢

九重金闕

一作門

為君開蹠蹠朝馳過上苑  
趁暝走發

章臺玉勒金鞍荷裝飾路旁觀者無窮極  
小山桂樹比  
權竒上林桃花况顏色忽聞天將出  
龍沙漠主持將駕  
鼓車去去山川勞日夜  
遙遙關塞斷烟霞  
山川關塞十

年征汗血流離赴月

一作行

營肌膚銷遠道  
膂力盡長城

長城日夕苦風霜  
中有連年百戰場  
搖珂噉勒金羈盡  
爭鋒足頓鐵菱傷  
垂耳罷輕齋  
棄置在寒谿  
大宛蒲海

北滇壑雋

一作  
舊

崖西沙平留緩步路遠閭頻嘶從來力

盡君須棄何必尋途我已迷歲歲年年奔遠道朝朝暮

暮催疲老扣冰晨飲黃河源拂雪夜食天山草楚水澶

谿征戰事吳塞烏江辛苦地特來報主不辭勞宿昔立

功非重利丹心素節本無求長鳴向君君不留祇應瀆

一作  
漫

漫歸田里萬里低昂任生死君王倘若不見遺白

骨黃金猶可市

銅雀妓

金閣惜分香鉛華不重粧空餘歌舞地猶是為君王哀

弦調已絕艷曲不須

一作亦何

長共看西陵暮秋煙起

一作生

白楊

侍宴應制得分字

紫禁肅晴氛朱樓落曉雲豫遊龍駕轉天樂鳳蕭聞竹  
外仙亭出花間輦路分微臣一何幸詞賦奉明君

梨園亭子侍宴

年光陌上發香輦禁中遊草綠鴛鴦殿花紅翡翠樓天

杯承露酌仙管雜風流今日陪歡豫皇恩不可酬

和蘇員外寓直

自昔重為郎伊人練國章三旬登建禮五夜直明光墨  
草尚書奏衣飄侍御香開軒竹氣靜拂簟蕙風涼曉漏  
離闔闔鳴鐘出未央從來宿臺上天子貴文強

哭故人

生死久離居淒涼歷舊廬歎茲三徑斷不踐十年餘古  
木巢禽合荒庭愛客踈匝留彈罷劍牀積讀殘書玉沒



終無像蘭言強問虛平生不得意泉路復何如

折楊柳

可憐濯濯春楊柳攀折將來就織手妾容與此同盛衰  
何必君恩能獨久

喬侃

喬侃知之弟也開元中爲兗州都督詩一首

人日登高

僕本多悲者年來不悟春登高一遊目始覺柳條新社

陵猶識漢桃源不辯秦塹若升雲霧還似出鷲塵賴得  
煙霞氣淹留攀桂人

喬備


喬備亦知之弟則天時預修三教珠英終襄陽令集六  
卷今存詩二首

出塞

沙場三萬里猛將五千兵旌斷水谿戍笳吹鐵關城陰  
雲暮下雪寒日晝無晶直為懷恩苦誰知邊塞情

長門怨

秋入長門殿木落洞房虛  
妾思宵徒靜君恩日更疎  
墜露清金閣流螢點玉除  
還將閨裏恨遙問馬相如



御定全唐詩卷八十一

欽定四庫全書

集部

御定全唐詩卷八十二至  
六

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣李荃

謄錄監生臣任揖文

欽定四庫全書

御定全唐詩卷八十二

劉希夷

劉希夷一名庭芝汝州人少有文華落魄不拘常格後為人所害希夷善為從軍閨情詩詞旨悲苦未為人重後孫昱撰正聲集以希夷詩為集中之最由是大為時所稱賞集十卷今編詩一卷

將軍行

將軍闢轅門耿介當風立諸將欲言事遂巡不敢入劍  
氣射雲天鼓聲振原隰黃塵塞路起走馬追兵急彎弓  
從此去飛箭如雨集截圍一百重新首五千級代馬流  
血死胡人抱鞍泣古來養甲兵有事常討襲乘我廟堂  
運坐使干戈戢獻凱歸京師

一作都又  
作還帝京

軍容何翕習

### 從軍行

秋天風颯颯

一作秋風  
來瑟瑟

羣胡馬行疾嚴城晝不開伏兵

暗相失天子廟堂拜將軍凶門出紛紛伊洛

一作晉陽道戎

馬幾萬匹軍門壓黃河兵氣衝白日平生懷仗劍慷慨  
即投筆南登漢月孤北走代雲密近取韓彭計早知孫  
吳術丈夫清萬里誰能掃一室

春女行

春女顏如玉怨歌陽春曲巫山春樹紅沅湘

江一作

春草

綠自憐妖艷姿妝成獨見時愁心伴楊柳春盡亂如絲目  
極千餘里悠悠春江水頻想玉關人愁卧金閨裡尚言  
春花落不知秋風起嬌愛猶未終悲涼從此始憶昔楚

王宮玉樓粧粉紅纖腰弄明月長袖舞一作拂春風容華

委西山光陰不可

一作再

還桑林變

一作沒

東海富貴今何

在寄言桃李容胡為閨閣重但看楚王墓唯有數株松

孤松篇

蠶月桑葉青鸞時柳花白澹艷煙雨姿敷芬陽春陌如  
何秋風起零落從此始獨有南澗松不嘆東流水玄陰  
天地冥皓雪朝夜零豈不懼寒暑為君留青青青青好  
顏色落落任孤直羣樹遙相望衆草不敢逼靈龜卜真



隱仙鳥宜棲息恥受秦帝封願言唐侯食寒山夜月明  
山冷氣清清淒兮歸鳳一作風集吹之作琴聲松子卧仙  
岑寂聽疑野心清冷有真曲樵採無知音美人何時來  
幽徑委綠苔吁嗟深澗底棄捐廣厦材

嵩嶽聞笙

月出嵩山東月明山益空山人愛清景散髮卧秋風風  
止夜何清獨夜草蟲鳴仙人不可見乘月近吹笙絳唇  
吸靈氣玉指調真聲真聲是何曲三山鸞鶴情昔去落

塵俗願言聞此曲今來卧嵩岑何幸承幽音神仙樂吾  
事笙歌銘夙心

秋日題汝

一作南

陽潭壁

獨坐秋陰生悲來從所適行見汝陽潭飛蘿蒙水石懸  
瓢木葉上風吹何歷歷幽人不耐煩振衣

一作袂

步閑寂

迴流清見底金沙覆銀礫錯落非一文空隴幾千尺魚  
鱗可憐紫鴨毛自然碧吟詠秋水篇渺然忘損益秋水  
隨形影清濁混心迹歲暮歸去來東山余宿昔

采桑

楊柳送行人青青西入秦誰家採桑女樓上不勝春盈  
盈灞水曲步步春芳綠紅臉耀明珠絳唇含白玉回首  
渭橋東遙憐春一作樹色同青絲嬌落日細綺弄春風携  
籠長歎息逶迤一作戀春色看花若有情倚樹疑無力  
薄暮思悠悠使君南陌頭相道不相識歸去夢青樓

謁漢世祖廟

春陵氣初發漸臺首未傳列營百萬衆持國十八年運

開朱旗後道合赤符先宛城劍鳴匣昆陽鏞應弦犢獸  
血塗地巨人聲沸天長驅過北趙短兵出南燕太守迎  
門外王郎死道邊昇壇九城一作陌端拱千秋年朝廷

方雀躍劍佩幾睽翻至德刑四海神儀翳九泉宗子行  
舊邑恭聞清廟篇君容穆而聖臣像儼猶賢攢木承危  
柱疎蘿掛朽椽祠庭巢鳥啄祭器網蟲緣懷古江山在  
維新厯數遷空餘今夜月長似舊時懸

巫山懷古

巫山幽陰地神女艷陽年襄王伺容色落日望悠然歸  
來高唐夜金釭燄青煙頽想卧瑤席夢魂何翩翩搖落  
殊未已榮華倏徂遷愁思瀟湘浦悲涼雲夢田猿啼秋  
風夜鴈飛明月天巴歌不可聽聽此益潺湲

歸山

歸去嵩山道煙花覆青草草綠山無塵山青楊柳春日  
暮松聲合空歌思殺人

代閨人春日

珠簾的曉光玉顏艷春彩林間烏鳴喚戶外花相待花  
鳥惜芳菲烏鳴花亂飛人今伴花鳥日暮不能歸池月  
憐歌扇山雲愛舞衣佳期楊柳陌携手莫相違

蜀城懷古

蜀土

一作山

遠水竹吳天積風霜窮覽通表裡氣色何蒼

蒼舊國有年代青樓思艷妝古人無歲月白骨冥丘荒

寂歷彈琴地幽流

一作留

讀書堂元龜埋卜室彩鳳滅詞

場陣圖一一在栢樹雙雙行鬼神歷漢廟烏雀參秦倉

歎世已多感

一作歎逝日已多

懷心益自傷

一作感懷心自傷

賴蒙靈

丘境時當

一作鈞

明月光

洛川懷古

第二十七句缺四字第二十八句缺

萋萋春草綠悲歌牧征馬行見白頭翁坐泣青竹下感

歎前問之贈予辛苦詞歲月移今古山河更盛衰晉家

都洛濱朝廷多近臣詞賦歸潘岳繁華稱季倫梓

一作紫

澤春草非河陽亂華飛綠珠不可奪白首同所歸高樓

倏冥滅茂林久摧折昔時歌舞臺今成狐兔穴人事互

金天四九  
卷八十二  
消亡世路多悲傷  
北邙是吾宅  
東嶽為吾鄉  
君看北邙道  
闌髑縈蔓草芳  
碑塋或半存

荆棘斂幽魂  
揮涕棄之去  
不忍聞此言

春日行歌

山樹落梅花  
飛落野人家  
野人何所有  
滿甕陽春酒  
携

酒上一作向春臺  
行歌伴落梅  
醉罷卧明月  
乘夢遊天台

江南曲八首

暮宿南洲草  
晨行北岸林  
日懸滄海潤  
水隔洞庭深  
煙



景無留意風波有異尋歲遊難極目春戲易為心朝夕  
無榮遇芳菲已滿襟

艷唱潮初落江花露未晞春洲驚翡翠朱服弄芳菲畫  
舫煙中淺青陽日際微錦帆衝浪濕羅袖拂行衣含情  
罷所採相歎惜流暉

君為隴西客妾遇江南春朝遊含靈果夕採弄風蘋果  
氣時不歇蘋花日自新以此江南物持贈隴西人空盈  
萬里懷欲贈竟無因

皓如楚江月，靄若吳岫雲。波中自皎鏡，山上亦氤氳。明月留照妾，輕雲持贈君。山川各離散，光氣乃殊分。天涯一為別，江北不一作自相聞。

艤舟乘潮去，風帆振早涼。潮平見楚甸，天際望維揚。洄泝經千里，煙波接兩鄉。雲明江嶼出，日照海流長。此中逢歲宴，浦樹落花芳。

暮春三月晴，維揚吳楚城。城臨大江汜，回映洞浦清。晴雲曲金閣，珠樓碧煙裏。月明芳樹羣，鳥飛風過長。林雜

花起可憐離別誰家子於此一至情何已

北堂紅草盛芊茸南湖碧水照芙蓉朝遊暮起金花盡  
漸覺羅裳珠露濃自惜妍華三五歲已歎關山千萬重  
人情一去無還日欲贈懷芳怨不遑

憶昔江南年盛時平生怨在長洲曲冠蓋星繁江水上  
衝風標落洞庭淥落花兩袖紅紛紛朝霞高閣洗晴雲  
誰言此處嬋娟子珠玉為心以奉君

擣衣篇

秋天瑟瑟夜漫漫夜白風清玉露溥燕山遊子衣裳薄  
秦地佳人閨閣寒欲向樓中紫楚練還來機上裂齊紈  
攬紅袖兮愁徙倚盼青砧兮悵盤桓盤桓徙倚夜已久  
螢火雙飛入簾牖西北風來吹細腰東南月上浮纖手  
此時秋月可憐明此時秋風別有情君看月下參差影  
為聽莎間斷續聲絳河轉兮青雲曉飛鳥鳴兮行人少  
攢眉緝縷思紛紛對影穿鍼魂悄悄聞道還家未有期  
誰憐登隴不勝悲夢見形容亦舊日為許裁縫改昔時

緘書遠寄交河曲  
湏及明年春草綠  
莫言衣上有斑斑  
只為思君淚相續

公子行

天津橋下陽春水  
天津橋上繁華子  
馬聲迴合青雲外  
人影動搖綠波裏  
綠波蕩漾玉為砂  
青雲離披錦作霞  
可憐楊柳傷心樹  
可憐桃李斷腸花  
此日遨遊邀美女  
此時歌舞入娼家  
娼家美女鬱金香  
飛來飛去公子旁  
的的珠簾白日映  
娥娥玉顏紅粉妝  
花際裏回雙蛺蝶

池邊顧步兩鴛鴦傾國傾城漢武帝為雲為雨楚襄王  
古來容光人所羨況復今日遙相見願作輕羅著細腰  
願為明鏡分嬌面與君相向轉相親與君雙棲共一身  
願作貞松千歲古誰論芳槿一朝新百年同謝西山日  
千秋萬古北邙塵

代悲白頭翁

一作白頭吟

洛陽城東桃李花飛來飛去落誰家洛陽女兒好顏色  
坐見一作行逢落花長歎息今年花落顏色改明年花開復

誰在已見松柏摧為薪更聞桑田變成海古人無復洛  
城東今人還對落花風年年歲歲花相似歲歲年年人  
不同寄言全盛紅顏子應憐半死白頭翁此翁白頭真  
可憐伊昔紅顏美少年公子王孫芳樹下清歌妙舞落  
花前光祿池臺開錦繡將軍樓閣畫神仙一朝卧病無  
相識三春行樂在誰邊宛轉蛾眉能幾時須臾鶴髮亂  
如絲但看古來歌舞地惟有黃昏鳥雀悲

希夷善琵琶  
嘗為白頭詠

云今年花落顏色改明年花開復誰在既而悔曰我此  
詩似識與石崇白首同所歸何異乃更作云年年歲歲

花相似歲歲年年人不同既而嘆曰從似向識矣詩成  
未回歲為姦人所殺或云宋之問害希夷而以白頭翁  
之篇為已作至今有載  
此篇在之問集中者

代秦女贈行人

第三句  
缺一字

鸞鏡曉含春蛾眉向影頰開 衣裳破那堪粉黛新春  
還洛陽道為憶春堦草楊葉未能攀梅花待君掃今朝  
喜鵲傍人飛應是狂夫走馬歸遙想行歌共遊樂迎前  
含笑著春衣

洛中晴月送殷四入關



清洛浮橋南渡頭天晶明一作明萬里散華洲晴看石瀨光

無數曉入寒潭浸不流微雲一點曙煙起南陌憧憧遍  
行子欲將此意與君論從道秦關尚千里

### 入塞

將軍陷虜圍邊務息戎機霜雪交河盡旌旗入塞飛曉  
光隨馬渡春色伴人歸課績朝明主臨軒拜武威

### 覽鏡

青樓挂明鏡臨照不勝悲白髮今如此人生能幾時秋

風下山路明月上春期歎息君恩盡容顏不可思

晚春

佳人眠洞房回首見垂楊寒盡鴛鴦被春生玳瑁牀  
庭陰幕青靄簾影散紅芳寄語同心伴迎春且薄妝

送友人之新豐

日暮秋風起關山斷別情淚隨黃葉下愁向綠樽生  
野路歸驂轉河洲宿鳥驚賓遊寬旅宴王事促嚴程

餞李秀才赴舉

鴻鵠振羽翮翻飛入帝鄉朝鳴集銀樹暝宿下金塘日

月天門近風煙夜

一作客

路長自憐窮浦鴈歲歲不隨陽

夜集張諲所居

江南成久客門館日蕭條惟有圖書在多傷鬢髮凋諸  
生陪誦誦稚子給漁樵隱室寒燈淨空階落葉飄滄洲  
自有趣誰道隱須招

故園置酒

酒熟人須飲春還鬢已秋願逢千日醉得緩百年憂舊

里多青草新知盡白頭  
風前燈易滅川上月難留  
卒卒周姬旦  
栖栖魯孔丘  
平生能幾日  
不及且遨遊

晚憇南陽旅館

旅館何年廢征夫此日過  
途窮人自哭春至鳥還歌  
行路新知少荒田古徑多  
池篁覆丹谷墳樹遶清波  
日照蓬陰轉風微野氣和  
傷心不可去回首怨如何

御定全唐詩卷八十二

欽定四庫全書

御定全唐詩卷八十三

陳子昂

陳子昂字伯玉梓州射洪人少以富家子尚氣決好弋  
博後遊鄉校乃感悔修飭初舉進士入京不為人知有  
賣胡琴者價百萬子昂顧左右輦千緡市之衆驚問子  
昂曰余善此曰可得聞乎曰明日可入宣陽里如期偕  
往則酒肴畢具奉琴語曰蜀人陳子昂有文百軸不為

人知此賤工之伎豈宜留心舉而碎之以其文百軸徧  
贈會者一日之內名滿都下擢進士第武后朝為麟臺  
正字數上書言事遷右拾遺武攸宜北討表為管記軍  
中文翰皆委之子昂父為縣令段簡所辱子昂聞之遽  
還鄉里簡乃因事收繫獄中憂憤而卒唐興文章承徐  
庾餘風駢麗穠縟子昂橫制頽波始歸雅正李杜以下  
咸推宗之集十卷今編詩二卷

慶雲章

崑崙元氣實生慶雲大人作矣五色氤一作氤昔在帝

媯南風既薰叢芳爛漫郁郁紛紛曠矣千祀慶雲來止

玉葉金柯祚我天子非我天子慶雲誰昌非我聖母慶  
雲誰光慶雲光矣周道昌矣九萬八千天授皇年

感遇詩三十八首

微月生

一作出

西海幽陽始代

一作化

昇圓光正

一作恰

東滿

陰魄已朝凝太極生天地三元更廢興至精諒斯在三

五誰能徵

蘭若生春夏芊蔚何青青幽獨空林色朱蕤冒紫莖  
遲白日晚娟娟秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀  
黃沙漠南起白日隱西隅漢甲三十萬曾以事匈奴  
但見

沙場死誰憐塞上一作孤

樂羊為魏將食子殉軍功骨肉且一作尚相薄他人安得

忠吾聞中山相乃屬放麋翁孤獸猶一作且不忍况一作劫

以奉君終



市人矜巧智於道若童蒙傾奪相夸侈不知身所終曷  
見玄真子觀世玉壺中窅然遺天地乘化入無窮

吾觀龍變化乃知至陽精石林何冥密幽洞無留行古

之得仙道信與元化并玄感非象一作蒙識誰能測沈一作

淪冥世人拘目見酣酒笑丹經崑崙有瑤樹安得采其

英

白日每不歸青陽時暮矣茫茫吾何思林卧觀無始衆  
芳委時晦鷓鴣鳴悲耳鴻荒古已頽誰識巢居子

吾觀崑崙化日月淪洞冥精魄相交會天壤以羅生  
仲尼推太極老聃貴窈冥西方金仙子崇義乃無明  
空色皆寂滅緣業定一作亦何成名教信紛藉死生俱未  
停

聖人秘元命懼世亂其真如何萬公輩一作談譎誤時

人先天誠為美階亂禍誰因長城備胡寇羸禍發其親  
赤精既迷漢子年何救秦去去桃李花多言死如麻

深居觀元化一作肇動怵然爭朵頤讒說相啖食利害紛疑

凝便便夸昆子榮耀更相持務光讓天下商賈競刀錐  
已矣行采芝萬世同一時

吾愛鬼谷子青谿無垢氛囊括經世道遺身在白雲七

雄方龍鬪天下久

一作亂

無君浮榮不足貴遵養晦時文

舒可一作之

彌宇宙卷之不盈分豈徒山木壽空與麋鹿

羣

呦呦南山鹿雁罟以媒和招操青桂樹幽靈亦成科世  
情甘近習榮耀紛如何怨憎未相復親愛生禍羅瑤臺

傾巧笑玉杯殞雙蛾誰見枯

一作孤

城蘂

一作樹

青青成斧

柯

林居病時久水木澹孤清閑卧觀物化悠悠念無生青  
春始萌達朱火已滿盈徂落方自此感歎何時平

臨歧泣世道天命良悠悠昔日殷王子玉馬遂朝周寶

鼎淪伊穀瑤臺成古

一作故

丘西山傷遺老東陵有故侯

貴人難得意賞愛在頽史莫以心如玉探他明月珠昔  
稱天桃子今為春市徒鷓鴣悲東國麋鹿泣姑蘇誰見

鷓夷子扁舟去五湖

聖人去已久公道緬良難蚩蚩夸毘子堯禹以為謾驕

榮貴工巧執利迭

一作  
逝

相干燕王尊樂毅分國願同歡

魯

一作  
仲

連讓齊爵遺組去邯鄲伊人信往矣感激為誰

歎

幽居觀天運悠悠念羣生終古代興沒豪聖莫能爭三

季淪周赧七雄滅秦嬴後聞赤精子提劍入咸京炎光

既無象晉虜復縱橫堯禹道已昧昏虐勢方行豈無當

世雄天道與胡兵吐吐安可言時醉而未醒仲尼溺東  
魯伯陽遁西溟大運自古來旅人胡歎哉

透迤勢已久骨鯁道斯窮豈無感激者時俗頽此風灌  
園何其鄙皎皎於陵中世道不相容嗟嗟張長公

聖人不利己憂濟在元元黃屋非堯意瑤臺安可論吾  
聞西方化清淨道彌敷奈何窮金玉雕刻以為尊雲楫  
山林盡瑤圖珠翠煩鬼工尚未可人力安能存夸愚適  
增累矜智道適昏

玄天幽且默羣議曷咄咄聖人教猶在世運久陵夷一  
繩將何繫憂醉不能持去去行采芝勿為塵所欺

蜻蛉遊天地與世本無患飛飛未能止一作去黃雀來相

干穰侯富秦寵金石比交歡出入咸陽裏諸侯莫敢言

寧知山東客激怒秦王肝布衣取丞一作卿相千載為辛

酸

微霜知歲晏斧柯始青青况乃金天夕浩露沾羣英登  
山望宇宙白日已西暝雲海方蕩潏孤鱗安得寧

翡翠巢南海雄雌珠樹林何知美人意驕愛比黃金殺  
身炎州裏委羽玉堂陰綺旒光首飾歲蕤爛錦衾豈不  
在遐遠虞羅忽見尋多材信為累歎息此珍禽

挈瓶者誰子姣

一作妖

服當青春三五明月滿盈盈不自

珍高堂委金玉微縷懸千鈞如何負公鼎被攸笑時人  
玄蟬號白露茲歲已蹉跎羣物從大化孤英將奈何瑤  
臺有青鳥遠食玉山木崑崙見元鳳豈復虞雲羅

荒哉穆天子好與白雲期宮女多怨曠層城閉蛾眉日



耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫

山綵雲沒高丘正微茫佇立望已久涕落一作淚沾衣裳

豈茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林竭

來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸糧匱叩道荷戟爭羗城嚴

冬陰風勁窮岫泄一作油雲生昏曠一作晴無晝夜羽檄復

相驚拳跼競萬仞崩危走

一作遠

九冥籍籍

一作寂寂

峰壑裏

哀哀冰雪行聖人御宇宙聞道泰階平肉食謀何失藜

藿緬縱橫

可憐

一作惜

瑤臺樹灼灼佳人姿碧華映朱實攀折青春

時豈不盛光寵榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生冤衆

趨明所避時棄道猶存雲淵既已失羅網與誰論箕山

有高節湘水有清源唯應白鷗鳥可為

一作與

洗心言

索居猶

一作獨

幾日炎夏忽然衰陽彩皆陰翳親友盡睽

違登山望不見涕泣久漣瀝宿夢

一作昔

感顏色若與白

雲期馬上

一作世中

驕豪子驅逐正虫虫蜀山與楚水携手

在何時

金鼎合神

一作還

丹世人將見欺飛飛騎羊子胡乃在峨

眉變化固幽

一作非

類芳菲能幾時疲痾苦淪世憂毒

一作

悔日侵溜眷然顧幽褐白雲空涕淚

朔風吹海樹蕭條邊已秋亭上誰家子哀哀明月樓自

言幽燕客結髮事遠遊赤丸殺公吏白刃

一作日

報私讐

避讐至海上被役此邊州故鄉三千里遼水復悠悠每  
憤胡兵入常為漢國羞何知七十戰白首未封侯

本為貴公子平生實愛才感時思報國拔劍起蒿萊西  
馳丁零塞北上單于臺登山見千里懷古心悠哉誰言  
未忘禍磨滅成塵埃

浩然坐何暮吾蜀有峨眉念與楚狂子悠悠白雲期時  
哉悲不會涕泣久漣沔夢登綏山穴南采巫山芝探元

觀羣化遺世從雲螭  
婉孌時永矣感悟不見之

朝入雲中郡北望單于臺  
胡秦何密邇沙朔氣雄哉  
藉天驕子猖狂已復來  
塞垣無名將亭堠空崔嵬  
咄嗟吾何歎邊人塗草萊

仲尼探元化幽鴻順陽和  
大運自盈縮春秋遞

一作迷

來

過盲飈忽號怒萬物相紛  
劇溟海皆震蕩孤鳳其如何

觀荆玉篇

并序

丙戌歲余從左補闕喬公北征夏四月軍幕次

一作一

舍于張掖河河洲草木無他異者惟有仙人杖往

往叢生幽朔地寒與中國稍異予家世好服食昔

常餽之及此役也而息意茲味戍人有薦嘉蔬者

此物存焉余條

一作

鬪而笑曰始者與此君別不

圖至是而見之豈非神明嘉惠將欲扶吾壽也因

為喬公昌言其能時東萊王仲烈亦同旅舍聞而

大喜甘心食之已旬有五日矣適有行人自謂能

知藥者謂喬公曰此白棘也公何謬哉仲烈愕然

而疑亦曰吾怪其味甘

宋本作甜

今果如此喬公信是

言乃譏予作采玉篇謂宋人不識玉而寶珉石也  
予心知必是猶以獨見之故被奪于衆人乃喟然  
而歎曰嗟乎人之大明者目也心之至信者口也  
夫目照五色口分五味玄黃甘苦亦可一作何斷而  
不感矣而路旁一議二子增疑况君臣之際朋友  
之間乎自是而觀則萬物之情可見也感采玉詠  
而作觀玉篇以答之并示仲烈譏其失真也

鴻夷雙白玉此玉有緇磷懸之千金價舉世莫知真丹

青非異色輕重有殊倫勿信玉工言

一作勿信  
工言子

徒悲荆

國人

鴛鴦篇

飛飛鴛鴦鳥舉翼相救虧俱來綠潭裏共向白雲涯音  
容相眷戀羽翮兩逶迤蘋萍戲春渚霜霰遠寒池浦沙  
連岸淨汀樹拂潭垂年年此遊翫歲歲來追隨鳳凰起  
丹穴獨向

一作  
棲獨

梧桐枝鴻鴈來紫塞空憶稻梁肥烏啼



倦依托鶴鳴傷別離豈若此雙禽飛翻不異林刷尾青

一作清

江浦交頸紫山岑文章負奇色和鳴多好音聞有

鴛鴦綺復有鴛鴦衾持為美人贈勗此故交心

與東方左史虬修竹篇

并書

東方公足下文章道弊五百年矣漢魏風骨晉宋

莫傳然而文獻有可徵者僕嘗暇時觀齊梁間詩

彩麗競繁而興寄都絕每以永歎思古人常恐邈

逶一作逶迤頽靡風雅不作以耿耿也一昨於解三處

見明公詠狐桐篇骨氣端翔音情頓挫光英

一作映

朗練有金石聲遂用洗心飾視發揮幽鬱不圖正  
始之音復覩於茲可使建安作者相視而笑解君  
云張茂先何敬祖東方生與其比肩僕亦以為知  
言也故感歎雅製作修竹詩一首當有知音以傳  
示之

龍種

一作鍾龍

生南嶽狐翠鬱亭亭峰嶺上崇岑煙雨下微

冥夜聞鼉鼠叫晝聒泉壑聲春風正淡蕩白露已清冷

哀響激金奏密色滋玉英歲寒霜雪苦含彩獨青青豈  
不厭凝冽羞比春木榮春木有榮歇此節無凋零始願  
與金石終古保堅貞不意伶倫子吹之學鳳鳴遂偶雲  
和瑟張樂奏天庭妙曲方千變簫韶亦九成信蒙雕斲  
美常願事仙靈驅馳翠虬駕伊鬱紫鸞笙結交羸臺女  
唵弄昇天行携手登白日遠遊戲赤城低昂玄鶴舞斷  
續綵雲生永隨衆仙逝三山遊玉京

薊丘覽古贈盧居士藏用七首

并序

丁酉歲吾北征出自薊門歷觀燕之舊都其城池  
霸業迹已蕪沒矣乃慨然仰歎憶昔樂生鄒子羣  
賢之遊盛矣因登薊丘作七詩以志之寄終南盧  
居士亦有軒轅之遺跡也

軒轅臺

北登薊丘望求古軒轅臺應龍已不見牧馬空黃埃尚  
想廣城子遺跡白雲隈

燕昭王

南登碣石坂

一作館

遙望黃金臺  
丘陵盡喬木  
昭王安在

哉  
霸圖悵已矣  
驅馬復歸來

樂生

王道已淪昧  
戰國競貪兵  
樂生何感激  
仗義下齊城  
雄圖竟中天  
遺歎寄阿衡

燕太子

秦王曰無道  
太子怨亦深  
一聞田光義  
七首贈千金  
其事雖不立  
千載為傷心

田光先生

自古皆有死狗

一作循

義良獨稀奈何燕太

一作丹

子尚使

田生疑伏劍誠已矣感我涕沾衣

鄒衍

大運淪三代天人罕有窺鄒子何寥廓漫說九瀛垂興

亡已千載今也則無推

一作為

郭隗

本缺

逢時獨為貴歷代非無才隗君亦何幸遂起黃金臺

西還至散關答喬補闕知之

歲甦蒼梧鳳嘹唳白露蟬羽翰本非匹結交何獨全昔  
君事胡馬余得奉戎旃携手向沙塞關河緬幽燕芳歲  
幾陽止白日屢徂遷功業雲臺薄平生玉佩捐歎此南  
歸日猶聞北戍邊代水不可涉巴江亦潺湲攬衣度函  
谷銜涕望秦川蜀門自茲始雲山方浩然

度峽口山贈喬補闕知之王二無競

峽口大漠南橫絕界中國叢石何一作相紛糾赤一作小山

復翕絕遠望多衆容逼

一作迥

之無異色崔嵬乍孤斷透

逆屢回直信關胡馬衝亦距漢邊塞豈依河山險將順

休明德物壯誠有衰執雄

一作高

良易極遷迤忽而盡決

潏平不息之子黃金軀如何此荒域雲臺盛多士待君

丹墀側

題居延古城贈喬十二知之

聞君東山意宿昔紫芝榮滄洲今何在華髮旅邊城還  
漢功既薄逐胡策未行徒嗟白日暮坐對黃雲生桂枝



芳欲晚菴苾誘誰明無為空自老含歎負生平

贈趙六貞固二首

回中烽火入塞上追兵起此時邊朔寒登隴思君子東  
顧望漢京南山雲霧裏

赤螭媚其彩

一作形

婉孌蒼梧泉昔者瑯琊子躬耕亦慨

然美人豈遐曠之子乃前賢良辰在何許白日屢頽遷  
道心固微密神用無留連舒可彌宇宙攬之不盈拳蓬  
萊

一作茅  
又作蒿

久蕪沒金石徒精堅良寶委短褐閑琴獨嬋

娟

答韓使同在邊

漢家失中策胡馬屢南驅聞詔安邊使曾是故人謨廢  
書悵懷古負劍許良圖出關歲方晏乘障日多虞虜入  
白登道烽交紫塞途連兵屯北地清野備東胡邊城方  
晏閑斥堠始昭蘇復聞韓長孺辛苦事匈奴雨雪顏容  
改縱橫才位孤空懷老臣策未獲趙軍租但蒙魏侯重  
不受謗書誣當取金人祭還歌凱入都

征東至淇門答宋十一叅軍之問

南星中大火將子涉清淇  
西林改微月征旆空自持  
碧

潭去已遠瑶華

一作草

折遺誰若

一作君

問遼陽戍悠悠

一作

摇摇天際旗

答洛陽主人

平生白雲志早愛赤松遊  
事親恨未立從宦此中州  
主

人亦何

一作何發

問旅客非悠悠方謁明天子  
清宴奉良籌

再取連城壁三陟平津侯  
不然拂衣去歸從海上鷗  
寧

隨當代子傾側且沉浮

酬暉上人秋夜山亭有贈

皎皎白林秋微微翠山靜禪居感物變獨坐開軒屏風  
泉夜聲雜一作絕月露宵光冷多謝忘機人塵憂未能整

酬李叅軍崇嗣旅館見贈

昨夜銀河畔星文犯遙一作天漢今朝紫氣新物色果逢

真言從天上落乃是地仙人白壁疑寬楚烏裘似入秦  
推藏多古意歷覽備艱辛樂廣雲雖覩夷吾風未春鳳

歌空有問龍性詎能馴寶劍終應出驪珠會見珍未及

馮公老何驚孺子貧青雲儻可致

一作效

北海憶孫賓

酬暉上人夏日林泉

聞道白雲居窈窕青蓮宇巖泉萬丈流

一作流  
雜樹

樹石

一作

右千年古林卧對軒窗山陰滿庭戶方釋塵事勞從君

襲蘭杜

同宋叅軍之問夢趙六贈盧陳二子之作

曉霽望嵩丘

一作微

白雲半巖足氛氲涵翠微宛如羸

一作

瀛臺曲故人昔所尚幽琴歌斷續變化竟無常人琴遂

兩亡白雲失處所夢想暖容光疇昔疑緣業儒道兩相

妨前期許幽報迨此尚茫茫晤言既已失感歎一作恨情

何一始憶携手期雲臺與峨眉達兼濟天下窮獨善其

時諸君推管樂之子慕巢夷奈何蒼生望卒為黃綬欺

銘鼎功未立山林事亦微撫孤一流慟懷舊日一作且睽

違盧子尚高節終南卧松雪宋侯逢聖君駭馭一作御遊

青雲而我獨蹭蹬語默道猶屯征戍在遼陽蹉跎草莽

黃丹丘恨不及白露已蒼蒼  
遠聞山陽賦感涕下沾裳  
送別出塞

平生聞高義書劍百夫雄  
言登青雲去非此白頭翁  
胡兵屯塞下漢騎屬一作入  
雲中君為白馬將腰佩  
駢角弓

單于不敢射天子佇深功  
蜀山余方隱良會何時同

登薊丘樓送賈兵曹入都

東山宿昔意北征非我心  
孤負平生願感涕下沾襟  
暮登薊樓上永望燕山岑  
遼海方漫漫胡沙飛且深  
峨眉

香如夢仙子曷由尋  
擊劒起歎息白日忽西沉  
聞君洛陽使因子寄南音

夏日暉上人房別李叅軍崇嗣

并序  
內缺二字

考察天人旁羅變動  
東西南北賢聖不能定其居  
寒暑晦明陰陽不能革其數  
莫不雲離雨散奔馳于宇宙之間  
宋遠燕遙泣別于關山之際  
自古來矣李叅軍白雲英冑  
紫氣仙人愛江海而高尋頓  
風塵而未息來從許下月旦出于龍泉言入蜀中



星文見於牛斗野亭相遇逆旅承歡謝鯤之山水  
暫開樂廣之雲天自樂思道林而不見悵若有亡  
詣祇樹而從遊 然舊款高僧展袂大士臨筵披

路之天書坐琉璃之寶地簾帷後闢拂鸚鵡之

香林欄檻前開照芙蓉之綠水討論儒墨探覽真

玄覺周孔之猶述

一作迷

知老莊之未晤

一作悟

遂欲

高板寶座伏奏金仙開不二之法門觀大千之世  
界歡娛恍晚離別行催紅霞生而白日歸青氣凝

而碧山暮驪歌斷引抗手將辭江漢浩浩而長流  
天地居然而不動嗟乎色為何色悲樂忽而因生  
誰去誰來離會紛而妄作俗之迷也不亦煩乎各  
述所懷不拘章韻

四十九變化一十三死生翁忽玄黃裏驅馳風雨情是  
非紛妄作寵辱坐相驚至人獨幽鑒一作覽窈窕隨昏明

咫尺山河道軒窗日月庭別離焉足問悲樂固能并我  
輩何為爾棲皇猶未平金臺可攀陟寶界絕將迎戶牖

觀天地階基上杳冥自超三界樂安知萬里征中國要  
荒內人寰宇宙榮望如朝夕寧嗟蜀道行

秋園卧病呈暉上人

幽寂曠日遙林園轉清密疲疴澹無豫獨坐泛瑤瑟懷  
挾萬古情憂虞百年疾綿綿多滯念忽忽每如失緬想

赤松遊高尋白雲

一作紫庭

逸榮吞始都喪幽人遂貞吉圖

書紛滿床山水藹盈室宿昔心所尚平生自茲畢願言  
誰見知梵筵有同術八月高秋晚涼風正蕭瑟

登澤州城北樓讌

平生倦遊者觀化久無窮復來登此國臨望與君同坐  
見秦兵壘遙聞趙將雄武安君何在長平事已空且歌  
玄雲曲御一作街酒舞薰風勿使青衿子嗟爾白頭翁

山水粉圖

山圖一作仙之白雲兮若巫山之高丘紛羣翠之鴻溶  
又似蓬瀛海水之周流信夫人之好道愛雲山以幽求

綵樹歌

嘉錦筵之珍樹兮錯衆綵之氛氲狀瑤臺之微月點巫山之朝雲青春兮不可逢况蕙色之增芬結芳意而誰賞怨絕世之無聞紅榮碧艷坐看歇素華流年不待君故吾思崑崙之琪樹厭桃李之繽紛

春臺引

寒食集畢錄事宅作

感陽春兮生碧草之油油懷宇宙以傷遠登高臺而寫憂遲美人兮不見恐青歲之遂一作邁從畢公以酣飲寄林塘而一留採芳蓀於北渚憶桂樹於南州何雲木

之美麗而池館之崇幽星臺秀士月旦諸子嘉青鳥之  
辰迎火龍之始挾寶書與瑤瑟芳蕙華而蘭靡乃掩白  
蘋藉綠芷酒既醉樂未已擊青鐘歌淶水怨青春之萎  
絕贈瑤臺一作華之旖旎願一見而道意結眾芳之綢繆  
曷余情之蕩漾矚青雲以增愁悵三山之飛鶴憶海上  
之白鷗重曰羣仙去兮青春頽歲華歇兮黃鳥哀富貴  
榮樂樂時兮朱宮碧堂生青苔白雲兮歸來

登幽州臺歌

前不見古人後不見來者念天地之悠悠獨愴然而涕  
下

喜馬叅軍相遇醉歌

并序

吾無用久矣進不能以義補國退不能以道隱身  
天子哀矜居於侍省且欲以芝桂為伍麋鹿同曹  
軒裳鍾鼎如夢中也南榮曝背北林設置有客扣  
門云吾道存孺子孺子黃中通理時玄冬遇夜微  
月在天白雲半山志逸海上酒既醉琴方清陶然

玄暢浩爾太素則欲狎青鳥寄丹丘矣日月云邁  
蟋蟀謂何夫詩可以比興也不言曷著時醉書散  
灑乃昏見清廟臺令知此有蜀雲氣也畢大拾遺  
陸六侍御崔議司崔兵曹解于晉崔湏子懷一道  
人當知吾此評是實錄也若東萊王仲烈見之必  
以為真醉歌曰

獨幽默以三月兮深林潛居時歲忽兮孤憤遐吟誰知  
我心孺子孺子其可與理分



文苑日華

御定全唐詩

三

御定全唐詩卷八十三

欽定四庫全書

御定全唐詩卷八十四

陳子昂

度荆門望楚

遙遙去巫峽望望下章臺  
巴國山川盡荆門煙霧開  
城分蒼野外樹斷白雲隈  
今日狂歌客誰知入楚來

晚次樂鄉縣

故鄉杳無際日暮且孤征  
川原迷舊國道路入邊城  
野

戍荒煙斷深山古木平如何此時恨噉噉夜猿鳴

同王員外雨後登開元寺南樓因酬暉上人獨

坐山亭有贈

鐘梵經行罷香林坐入禪巖庭交雜樹石瀨瀉鳴泉水  
月心方寂雲霞思獨玄寧知人世裏疲病得一作苦攀緣

東征答朝臣

一作達相送

平生白雲意疲繭愧為雄君王謬殊寵旌節此從戎按  
繩當繫虜單馬豈邀功孤劍將何托長謠塞上風

詠主人銜上畫鶴寄喬主簿崔著作

古銜仙人畫丹青尚有文獨舞紛如雪孤飛曖似雲自  
矜彩色重寧憶故池羣江海聯翩翼長鳴誰復聞

居延海樹聞鶯同作

邊地無芳樹鶯聲忽聽新閭闔如有意愁絕若懷人明  
妃失漢寵蔡女沒胡塵坐聞應落淚况憶故園春

題李三書齋

崇嗣

灼灼青春仲悠悠白日昇聲容何足恃榮吝坐相矜願

與金庭會將待玉書徵還丹應有術煙駕共君乘

送魏大從軍

匈奴猶未滅魏絳復從戎悵別三河道言追六郡雄雁

山橫代北孤塞接雲中勿使燕然上惟留漢將功

一作獨有

漢臣功

送殷大入蜀

禹一作蜀山金碧路此地饒英靈送君一為別悽斷故鄉

情片一作夏雲生極浦斜日隱離亭坐看征騎沒惟見遠

山青

落第西還別劉祭酒高明府

別館分周國歸驂入漢京  
地連函谷塞川接廣陽城  
望迴樓臺出途遙烟霧生  
莫言長落羽負賤一交情

落第西還別魏四慄

轉蓬方不定落羽自驚弦  
山水一為別歡娛復幾年  
離亭暗風雨征路入雲煙  
還因北山逕一作返歸守東坡田

送客

故人洞庭去楊柳春風生相送河洲晚蒼茫別思盈白  
蘋已堪把綠芷復含榮江南多桂樹歸客贈生平

春夜別友人二首

銀燭吐青煙金樽對綺筵離堂思瑟瑟別路遶山川明  
月隱高樹長河沒曉天悠悠洛陽道一作去此會在何年

紫塞白雲斷青春明月初對此芳樽夜離憂悵有餘清  
冷花路滿滴漚滙簷宇虛懷君欲何贈願上大臣書

遂州南江別鄉曲故人



楚江復為客，征棹方悠悠。故人憫追送，置酒此南洲。平生亦何恨，夙昔在林丘。違此鄉山別，長謠去國愁。

送東萊王學士無競

寶劍千金買，平生未許人。懷君萬里別，持贈結交親。孤松宜晚歲，衆木愛芳春。已矣將何道，無令白首一作髮新。

送梁李二明府

負書猶在漢，懷策未聞秦。復此窮秋日，芳樽別故人。黃金裝屨盡，白首契逾新。空羨雙鳧鳥，俱飛向玉輪。

送魏兵曹使嵩州得登字

陽山淫霧雨之子慎攀登羗竿多珍寶人言有愛憎欲

酬明主忠當盡使臣能勿以王陽道

一作款

迢遞

一作邈

畏

峻嶒

送著作佐郎崔融等從梁王東征

并序

古者涼風至白露下天子命將帥訓甲兵將以外

威荒戎內輯中夏時義遠矣自我大君受命百蠻

蟻伏匈奴舍蒲萄之宮越裳重翡翠之貢虎符不

發象譯攸同實欲高議靈臺偃兵一作伯天下而林

胡遺孽瀆亂邊氓驅蚊蚋之師忽雷霆之伐乃竊  
海裔弄燕陲皇帝哀北鄙之人惟其辛螫以東征  
之義降彼偏裨猶恐威令未孚亭塞仍梗乃謀元  
帥命佐軍得朱郎之天人乃黃閣之元老廟堂授  
鉞鑿門申命建梁國之旌旗吟漢庭之簫鼓東向  
而拜北道長驅蜺旄羽騎之殷戈翻落日突鬚蒙  
輪之勇劍決浮雲方且獵九都窮蹈頓存肅慎弔

姑餘彷徨赤山巡御日域以昭我王師恭天討也  
歲七月軍出國門天晶無雲朔風清海時比部郎  
中唐奉一考功員外郎李迥秀著作佐郎崔融並  
叅帷幕之賓掌書記之任燕南悵別洛北思懽頓  
旌節而少留傾朝廷而出餞永昌丞房思立衣冠  
之秀乃張蕙圃席蘭堂環曲榭羅羽觴寫中京之  
望縱候亭之賞爾乃投壺習射博奕觀兵鏜金鏡  
戛瑤琴歌易水之慷慨奏闕山以徘徊頽陽半林

微陰出座思長風以破浪恐白日之蹉跎酒中樂  
酣拔劍起舞則已氣橫遼碣志掃獯戎抗手何言  
賦詩以贈

金天方肅殺白露始專征王師非樂戰之子慎佳兵海  
氣侵南部邊風掃北平莫賣盧龍塞歸邀麟閣名

春晦餞陶七於江南同用風字

并序  
內缺七字

蜀江分袂巴山望別南津坐恨歎仙帆之方遙北  
渚長懷見離亭之欲晚白雲去矣

黃鶴何之楊柳青而三春暮我之懷矣能無贈

乎同賦一言俱題四韻

黃鶴煙雲

一作  
霞

去青江琴酒同離帆方楚越溝水復西

東芙蓉生夏浦楊柳送春風明日相思處應對菊花叢

喜遇冀侍御珪崔司議秦之二使

并序

余獨坐一隅孤憤五蠹雖身在江海而心馳魏闕

歲時仲春幽卧未起忽聞二星入井四牡臨亭邀

使者之車乃故人之駕隱几一笑把臂入林既聞

朝廷之樂復此琴樽之事山林幽寂鐘鼎舊遊語  
默譚詠今復一得况北堂夜永西軒月微巴山有  
望別之嗟洛陽無寄載之客江關離會三千餘里  
名位寵辱一百年中歡娛如何日月其邁不為目  
前之賞以增別後之思蟋蟀笑人夫子何歎

謝病南山下幽卧不知春使星入東井云是故交親患  
風吹寶瑟微月憶清真憑軒一留醉江海寄情人

登薊城西北樓送崔著作融入都

并序

僕嘗倦遊傷別久矣况登樓遠國銜酒故人憤胡  
孽之侵邊從王師之出塞元戎按甲方刈鮮卑之  
壘天子賜書且有君相之名而崔侯佩劍即謁承  
明羣公負戈方絕大漠燕山北望遼海東浮雲臺  
與碣館天殊亭障共衣冠地隔撫劍何道長謠增  
歎以身許國我則當仁論道匡君子思報主仲冬  
寒苦幽朔初平蒼茫天兵之氣冥滅戎雲之色白  
羽一指可掃九都赤墀九重佇觀獻凱心期我願



斯遂君恩

一作遂君之恩

共有策勲飲至方同廊廟之歡

偃武橐弓借爾文儒之首薊丘故事可以贈言同

賦登薊樓送崔子云爾

薊樓望燕國負劔喜茲登清規子方奏單戟我無能仲  
冬邊風急雲漢徼霜稜慷慨竟何道西南恨失朋

月夜有懷

美人挾趙瑟微月在西軒寂寞夜何久殷勤玉指繁清  
光委衾枕遙思屬湘沅空簾隔星漢猶夢感精魂

夏日遊暉上人房

山水開精舍，琴歌列梵筵。  
人疑白樓賞，地似竹林禪。  
對戶池光亂，交軒巖翠連。  
色空今已寂，乘月弄澄泉。

春日登金

一作九

華觀

白玉仙臺古

一作上

丹丘別望遙，山川亂雲日。  
樓榭入煙

霄鶴舞千年，樹虹飛百尺。  
橋還疑

一作逢

赤松子天路坐

相邀

一作招

羣公集畢氏林亭

金門有遺世

一作士

鼎寶恣和邦默語誰能

一作相

識琴樽

寄北窗子年戀魏闕漁父愛滄江良時信同此歲晚迹

難雙

宴胡楚真禁所

人生固有命天道信無言青蠅一相點白壁遂成寃請

室閑逾邃幽庭春未暄寄謝

一作語

韓安國何驚獄吏尊

魏氏園林入賦一物得秋亭萱草

昔時幽徑裏榮耀雜春叢今來玉墀上銷歇畏秋風細

葉猶含綠鮮花未吐紅  
忘憂誰見賞空此北堂中

晦日宴高氏林亭

并序 序  
內缺一字

夫天下良辰美景園林

一作亭

池觀古來遊宴歡娛

衆矣然而地或幽偏未覩皇居之盛時終交喪多  
阻升平之道豈如光華啟旦朝野資歡有渤海之  
宗英是平陽之貴戚發揮形勝出鳳臺而嘯侶幽  
贊芳辰拍鷄川而留宴列珍羞於綺席珠翠瑯玕  
奏絲管於芳園秦箏趙瑟冠纓濟濟多延戚里之

賓鸞鳳鏘鏘自有文雄之客總都畿而寫望通漢  
苑之樓臺控伊洛而斜臨神仙之浦淑則有都  
人士女俠客游童出金市而連鑣入銅街而結駟  
香車繡轂羅綺生風寶蓋瑠鞍珠璣耀日於時律  
窮太簇氣淑中京山河春而霽景華城闕麗而年  
光滿淹留自樂翫花鳥以忘歸歡賞不疲對林泉  
而獨得偉矣信皇州之盛觀也豈可使晉京才子  
孤標洛下之游魏室羣公獨擅鄴中之會盍各言

志以記芳遊同探一字以華為韻

尋春遊上路追宴入仙家主第簪纓滿皇州景望華玉  
池初吐溜珠樹始開花歡娛方未極林閣散餘霞

晦日重宴高氏林亭

公子好追隨愛客不知疲象筵開玉饌翠羽飾金庖此  
時高宴所詎減習家池循涯倦短翮何處一作儷長離

上元夜効小庾體

以上三首俱見歲時雜詠

三五月華新遨遊逐上春相邀洛城曲追宴小平津樓

上看珠妓車中見玉人芳宵殊未極隨意守燈輪

一本  
截首

末二聯作絕  
句題云燈

### 洛城觀酺應制

聖人信恭已天命允昭回蒼極神功被青雲祕錄開垂  
衣受金冊張樂宴瑤臺雲鳳休徵滿魚龍雜戲來崇恩  
踰五日惠澤暢三才玉帛羣臣醉徽章縟禮該方覩升  
中禪言觀拜洛回微臣固多幸敢上萬年杯

奉和皇帝上

丘一作

禮撫事述懷應制

大君忘自

一作物

我應

一作膺

運居紫宸揖讓期明辟謳歌

且順人軒宮帝國盛皇極禮容申南面朝萬國東堂會  
百神雲陛旗常滿天庭玉帛陳鐘石和睿思雷雨被深  
仁承平信娛樂王業本艱辛願罷瑤池宴來觀農扈春  
早宮昭夏德尊老睦堯親微臣敢拜手歌舞頌維新

酬田逸人遊巖見尋不遇題隱居里僻

遊人獻書去薄暮返靈臺傳道尋仙友青囊賣卜來聞  
鶯忽相訪題鳳久裴回石髓空盈握金經祕不開還疑



縫掖子復似洛陽才

白帝城懷古

日落滄江晚停橈問土風城臨巴子國臺沒漢王宮荒  
服仍周甸深山尚禹功巖懸青壁斷地險碧流通古木

一作樹

生雲際孤帆出霧中川途去無限客思坐何窮

峴山懷古

秣馬臨荒甸登高覽舊都猶悲墮淚碣尚想卧龍圖城  
邑遙分楚山川半入吳丘陵徒自出賢聖幾凋枯野樹

蒼煙斷津樓晚氣孤誰知萬里客懷古正躊躇

宿空舫峽青樹邨浦

的的明月水啾啾寒夜猿客思

一作愁

浩方亂洲浦寂無

喧憶作千金子寧知九逝魂虛聞事朱闕結綬驚華軒

委別高堂愛

一作夢

窺覲明主恩今成轉蓬去歎息復何

言

宿襄河驛浦

沿流辭北渚結纜宿南洲合岸昏初夕迴塘暗不流卧

聞塞鴻斷坐聽峽猿愁沙浦明如月汀葭悔若秋不及  
能鳴雁徒思海上鷗天河殊未曉滄海信悠悠

贈嚴倉曹乞推命錄

少學縱橫術遊楚復遊燕棲遑長委命富貴未知天聞  
道沉冥客青囊有秘篇

一作編

九宮探萬象三算極重玄

願奉唐生訣將知躍馬年非同

一作因

墨翟問空滯殺

一作

至  
龍川

和陸明府贈將軍重出塞

忽聞天上將闡塞重橫行  
始返樓蘭國還向朔方城  
黃金裝戰馬白羽集神兵  
星月開天陣山川列地營  
晚風吹畫角春色耀飛旌  
寧知班定遠猶一作獨是一書生

江上暫別蕭四劉三旋欣接遇

昨夜滄江別言乖

一作求

天漢遊寧期此相遇尚接武陵

洲結綬還逢育銜杯且對劉波潭  
一瀾瀾臨望幾悠悠  
山水丹青雜煙雲紫翠浮  
終愧神仙友來接野人舟

秋日過荊州府崔兵曹使宴

并序

若夫尊卑位隔榮賤途分使卿士大夫倚軒裳而  
傲物山棲木食負林壑而驕人未有能屈富貴於  
沈冥雜薜蘿於簪笏天人坐契相從雲霧之遊風  
雨不疲高縱琴樽之賞崔兵曹紫庭公冑青雲貴  
人以鐘鼎不足以致竒才煙霞可以交名士皇華  
昭國懷鳳縵而高尋白桂追遊邀兔置而下顧大  
矣哉生平未識一見而交道遂存此日披懷千載  
之風期坐合支道林之雅論妙理沈微崔子玉之

雄才斯文未喪屬乎金龍掌氣石雁驚秋天沓寥  
而煙日無光野寂寞而山川變色芸其黃矣悲白  
露于蒼葭木葉落兮慘紅霜于綠野爾其高興洽  
芳酒闌頓羲和而不留顧華堂而欲晚長歌何托  
思傳稽古之文爰命小人率記當時之事人探一  
字六韻成篇

輜軒鳳皇使林數鷗雞冠江湖一相許雲霧坐交歡興

盡崔亭伯言忘釋道安林一作秋光稍欲暮歲物已將闌

古樹蒼煙斷虛亭白露寒瑤琴一作琴中山水曲今日為君  
彈

卧病家園

世上無名子人間歲月賒縱橫策已棄寂寞道為家卧  
病誰能問閒居空物華猶憶靈臺友棲真隱太霞還丹  
奔日御却老餌雲芽寧知白社客不厭青門瓜

于長史山池三日曲水宴

摘蘭藉芳月一作日袞宴坐迴汀泛滌清流滿歲蕤白芷

生金絃揮趙瑟玉指弄秦箏巖榭風光媚郊園春樹  
平煙花飛御道羅綺照昆明日落紅塵合車馬亂縱橫  
合州津口別舍弟至東陽峽步趨不及眷然有

憶作以示之

江潭共為客洲浦獨迷津思積芳庭樹心斷白眉人同  
衾成楚越別岳類胡秦林岸隨天轉雲峰逐望新遙遙  
終不見默默坐含嚔念別疑三月經遊未一旬孤舟多  
逸興誰共滿為鄰



萬州曉發放舟乘漲還寄蜀中親朋

空濛巖

一作微

雨霽爛漫曉雲歸嘯旅乘明發奔橈驚斷

磯蒼茫林岫轉絡繹漲濤飛遠岸孤煙出遙峰曙日微

前瞻未能眴坐望已相依曲直

一作折

多還

一作

今古經過

失是非還期方浩浩征思日駢駢寄謝千金子江海事  
多違

入峭峽安居豁伐木豁源幽邃林嶺相映有奇

致焉

肅徒歌伐木驚

一作驚

檝漾輕舟靡逆隨迴

一作波

水潺湲

沂淺流煙沙分兩岸露

一作霞  
又作霧

島夾雙洲古樹連雲密

交

一作文

峰入浪浮巖潭相映媚谿谷屢環周路迴光逾

逼

一作出

山深興轉幽麝鼯寒思晚猿鳥暮聲秋誓息蘭

臺策將從桂樹遊因書謝親愛千歲覓蓬丘

入東陽峽與李明府舟前後不相及

東巖初解纜南浦遂離羣出沒同洲島沿迴異渚

一作江

瀆

一作棲泊  
異江瀆

風煙猶可望歌笑浩難聞路轉青山合峰

迴白日曛奔濤上漫漫積水下一作浪泆泆倏忽猶疑及

差池從兩分離間

一作開

遠樹藹藹沒遙氛地上巴陵

道星連牛斗文孤狖啼寒月哀鴻叫斷雲仙舟不可見

搖

一作迷

思坐氛氲

同旻上人傷壽安傅少府

生涯良浩浩天命固諄諄聞道神仙尉懷德遂為鄰疇

昔逢堯日衣冠仕漢辰交遊紛若鳳詞翰宛如一作成麟

太息勞黃綬長思謁紫宸金蘭徒有契玉樹已埋塵把

臂雖無托平生固亦親  
援琴一流涕舊館幾霑巾  
杳杳泉中夜悠悠世上春  
幽明長隔此歌哭一作  
笑為何人

南山家園林木交映盛夏五月幽然清涼獨坐

思遠率成十韻

寂寥守寒巷幽獨卧

一作  
坐

空林松竹生虛白階庭橫古

今鬱蒸炎夏晚棟宇闕清陰軒窗交紫鵲簷戶對蒼岑  
鳳蘊仙人籙鸞歌素女琴忘機委人代閑牖察天心  
蛺蝶憐紅藥蜻蜓愛碧潯坐觀萬象化方見百年侵擾擾

將何息青青長苦吟願隨白雲駕龍鶴相招尋

還至張掖古城聞東軍告捷贈韋五虛已

孟秋首歸路仲月旅

一作旋

邊亭聞道蘭山戰相邀在井

徑屢關關月滿三捷虜雲平漢軍追北地胡騎走南庭  
君為幙中士疇昔好言兵白虎鋒應出青龍陣幾成披

一作據

圖見丞相按節入咸京寧知玉門道翻

一作空

作隴

西行北海朱旄落東歸白露生縱橫未得意寂寞寡相  
迎負劍空歎息蒼茫登古城

題祀山烽樹贈喬十二侍御

漢庭榮巧宦雲閣薄邊功可憐驄馬使白首為誰雄

初入峽苦風寄故鄉親友

故鄉今日友歡會坐應同寧知巴峽路辛苦石尤風

題田洗馬遊巖桔槔

望苑一作遠長為客商山遂不歸誰憐北陵井一作容未息

漢陰機

古意題徐令壁

一作題著  
作令壁

白雲蒼梧來氤氳萬里色聞君太平世棲泊靈臺側

贈別冀侍御崔司議

并序

朝廷歡娛山林幽悔思魏闕魂已九飛飲岷江情  
復三樂進不忘匡救於國退不慚無悶在林冀侍  
御崔司議至公至平許我以語默于是矣夫達則  
以公濟天下窮則以大道理身嗟乎子昂豈敢負  
古人哉蜀國酒醜無以娛客至於挾清瑟登高山  
白雲在天清江涵月可以散孤憤可以遊太清一

世之逆人寄千里之道友吾欲不謝於崔冀二公  
矣所恨酒未醒琴方清王事靡盬驛騎過速不盡  
平原十日之飲又謝叔度累日之歡雲山悠悠歎  
不及也載想房陸畢子為軒冕之人不知蜀山有  
雲巴水可興睽闕良會我心惄然請以此酎寄謝  
諸子為巴山別引也

有道君匡國無悶

一作機

余在林白雲峨眉

一作岷峨

上歲晚

來相尋



三月三日宴王明府山亭

見歲時雜詠  
未句缺一字

暮春嘉月上巳芳辰羣公袂飲于洛之濱奕奕車騎粲  
粲都人連帷競野炫服縹津青郊樹密翠渚萍新今我  
不樂含意未申

御定全唐詩卷八十四

欽定四庫全書

御定全唐詩卷八十五

張說

張說字道濟一字說之洛陽人武后策賢良方正說所對第一授左補闕擢鳳閣舍人忤旨配流欽州中宗召還累遷工部兵部侍郎修文館學士睿宗拜為中書侍郎知政事開元初進中書令封燕國公尋出刺相州左轉岳州召拜兵部尚書知政事敕令巡邊後為集賢院

學士尚書左丞相卒謚文貞說為人敦氣義重然諾喜  
延納後進朝廷大述作多出其手與蘇頲號燕許大手  
筆謫岳州後詩益悽惋人謂得江山之助集三十卷內  
詩九卷今編詩五卷

唐封泰山樂章

唐書樂志曰開元十三年明皇封泰山祀天樂降神用豫和六

變迎送皇帝用太和登歌奠玉帛用肅和迎俎  
用雍和酌獻飲福並用壽和送文舞出迎武舞  
入用舒和終獻亞獻  
用凱安送神用豫和

豫和六首

挹泰壇紫

一作紫

泰清受天命報天成竦皇心薦樂聲志

上達歌下迎

億上帝臨下庭騎日月陪列星嘉視信大精馨澹神心  
醉皇靈

相百辟貢八荒九歌叙萬舞翔肅振振鏗皇皇帝欣欣  
福穰穰

高在上道光明物資始德難名承眷命牧蒼生寰宇謐  
泰階平

天道無親至誠與鄰山川遍禮宮徵惟新玉帛非盛聰  
明會真正斯一德通乎百神

享帝享親維孝維聖緝熙懿德敷揚成命華夷志同笙  
鏞禮盛明靈降止感此誠敬

太和

孝敬中發和容外彰騰華照寓如昇太陽貞璧就奠玄  
靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼壁布  
我玄製華日裊回神煙容裔

雍和

俎豆有馥絜粢豐盛亦有和羹既戒既平鼓鐘管磬肅  
唱和鳴皇皇我祖來我思成

壽和

烝烝我后享獻惟寅躬酌鬱鬯跪奠明神孝莫孝乎配  
上帝親敬莫敬乎教天下臣

壽和

皇祖嚴配配享皇天  
皇皇降嘏天子萬年

舒和

六鐘翕協六變成八佾  
徜徉八風生樂九韶兮  
神人感美七德兮天地清

凱安

烈祖順三靈文宗威四海  
黃鉞誅羣盜朱旗掃多罪  
戢兵天下安約法人心改  
大哉干羽意長見風雲在



豫和

禮樂終禋燎上懷靈惠結皇想歸風疾回風爽百神來

衆神往

唐享太廟樂章

唐書樂志曰明皇開元七年享太廟樂迎神用永和皇帝行用

太和登歌酌瓚用肅和迎俎用雍和皇帝酌醴齊用文舞獻宣皇帝用光大舞光皇帝用長發

舞景皇帝用大政舞元皇帝用大成舞高祖用大明舞太宗用崇德舞高宗用鈞天舞中宗用

大和舞睿宗用景雲舞皇帝飲福受脰用福和送文舞出迎武舞入用舒和亞獻終獻行事武

舞用凱安撤豆用登歌送神用永和按景皇帝舊用大基至是改用大政云

永和三首

肅九室諧八音歌皇慕動神心禮宿設樂妙尋聲明備  
裸奠臨

律迓氣音入玄依玉几御黼筵聆愾息儉周旋九韶徧  
百福傳

信工祝永頌聲來祖考聽和平相百辟貢九瀛神休委  
帝孝成

太和

時文聖后清廟肅邕致誠勤薦在貌思恭玉節肆夏金  
鉶五鐘繩繩雲步穆穆天容

肅和

天子享孝工歌溥將射裸鬱鬯乃焚膋鄉臭以達旨聲  
以求陽奉時烝嘗永代不忘

雍和二首

在滌嘉豢麗碑敬牲角握之北色純之駢火傳陽燧水  
漑陰精太公胖俎傳說和羹

俎豆有馥齊盛絜豐亦有和羹既戒既平鼓鐘管磬肅  
唱和鳴皇皇后祖來我思成

此首與封泰山  
樂章雍和同

文舞

聖謩九德真言五千慶集昌胄符開帝先高文杖鉞克  
配彼天三宗握鏡六合渙然帝其承祀率禮罔愆圖書  
霧出日月清懸舞形德類詠論功傳黃龍蜿壇彩雲蹕  
躔五行氣順八佾風宣介此百祿於皇萬年

光大舞

肅肅藝祖滔滔濬源有雄玉劔作鎮金門  
玄王貽緒后稷謀孫肇禋九廟四海來尊

長發舞

具禮崇德備樂承風魏推幢主周贈司空  
不行而至無成有終神興王業天歸帝功

大政舞

於赫元命權輿帝文天齊八柱地半三分  
宗廟觀德笙鏞樂勳封唐之兆成天下君

大成舞

帝舞李歷龍聖生昌后歌有蟠胎炎孕黃天地合德日  
月齊光肅雍孝享祚我萬方

大明舞

赤精亂德四海困窮黃旗舉義三靈會同早望春雨雲  
披大風溥天來祭高祖之功

崇德舞

皇合一德朝宗百神削平天地大拯生人上帝配食單

于入臣戎歌陳武曠曠震震

鈞天舞

高皇邁道端拱無為化懷獮鬻兵賦句驪禮尊封禪樂  
盛來儀合位媧后同稱伏羲

大和舞

退居江水鬱起丹陵禮物還舊朝章中興龍圖友及駿  
命恭膺鳴球香瓊大糖是承

景雲舞

景雲霏爛告我帝符噫帝冲德與天為徒笙鏞遙遠俎  
豆虛無春秋孝獻回復此都

福和

備禮用樂崇親致尊誠通慈降敬徹愛存獻懷稱壽啐  
感承恩皇帝孝德子孫千億大包天域長亘不極

舒和

六鐘翕協六變成八佾徜徉八風生樂九歌兮神人感

美七德兮天地清

此首與封泰山  
樂章舒和同



凱安三首

瑟彼瑤爵亞維上公室如屏氣門不容躬禮殷其本樂  
執其中聖皇永慕天地幽通

禮匝三獻樂徧九成降循軒陛仰歆皇情福與仁合德  
因孝明百年神畏四海風行

總總干戚填填鼓鐘奮揚增氣坐作為容離若鷙鳥合  
如戰龍萬方觀德肅肅邕邕

登歌

止笙磬撤豆籩音無響  
宵入玄主在室神在天  
情餘慕禮罔愆喜黍稷  
屢豐年

永和

眇嘉樂授靈爽感若來  
思如往休氣散回風上  
返寂寞還惚恍懷靈駕  
結空想

御定全唐詩卷八十五